

पावलरे एफिसिहाऱ हाक्तुसिबा सक्इङ्घड् निःसुम्

सेःक्युक्मिबा पावलेन् रोम येक्यक्को साक्पा थ्येआड्वयेल्ले
खुनेऱ एफिसि येक्यक्कोबा सेसेहुप्लक्को केवाऱबा नसानिबाहाऱ
कन् सक्इङ्घड्इडिन् हाक्तुसिरो ॥ खुनेऱ यरिक् लेङ् एफिसिओ
पेआड् वये, हेक्क्याड् थिक् लेङ्डो तड्बे सुम्सि थारिक्
खुनेऱ सुनाइङ् इङ्भोःसे खेप्पो युडे (सेःक्युक्मिबा १९-२०) ॥
कन्सक्इङ्घड्इडोबा काक्नुःल्ले तगिबा पाःन्निङ्ग “सुयेम्मिन्
केताड् निड्वाऱफुमाड्डिल्ले ख्रिस्तेऱ युक् चोगुर फाऱआड्
साङ्ग्राम्पेदाड् नु इक्सा खाम्बेःक्को केवाऱबा केरेक् पाःन्हाऱ
तारु” केलऱबारो (१.१०) ॥ कङ्ग निड्वाऱफुमाड्डिल्ले कुमनाहाऱ
ख्रिस्तेन्नु थिक्हुप् मेबोःड्डाड् निड्वाऱफुमाड्डिल्ले यम्बा
कुनिङ्सेःक्को मेहिङ्गल फाऱआड् तोःन्देबा पेलिगेन् पाःन्जाक्लो ॥

कन् सक्इङ्घड्इडिल्लेन् थिक्सिगेःक्पा लक्को थिक्हुप्रे
कुमेन्निन् अक्खेलऱरिक् पोआधक्लो-निड्वाऱफुमाड्डिल्ले
आबाडे कुमनाहाऱ सेगुसिआड् खेङ्हाऱ आबुगेन् कुस्साः येसु
ख्रिस्तलाम् लेप्मि पिरुसिर लायोलाम्बा चोःक्युम्भो चोगुसि,
हेक्क्याड् निड्वाऱफुमाड्डिल्ले पयम् यम्बा कुमाड्हेक्किन्
सेसेमाड्लाम् सेक्खा चोगुरो ॥ हेक्क्याड् कन् सक्इङ्घड्इडिल्लेन्
निसिगेःक्पा लक्को पावलरे हेन्निःप्पाहाऱरे ख्रिस्तेन्नुबा खुनिऱ
थिक्हुप्पिन् खुनिऱ हिङ्मन्लाम्बा ओसेःन्दाड् पोःङ्गल फाऱआड्
पेलि फाक्तुसिरो ॥

निड्वाऱफुमाड्डिल्ले कुमनाहाऱ ख्रिस्तेन्नु थिक्हुप् पोःङ्मा
पाःन्निन् ओसेःन्दाड् चोःक्मा पावलरे अक्तड्बा कुबिहाऱ
पिरुआड् वाऱरो-सेसेहुप्लक्किन् नासिङ्गेन् थक् कुइसिःक्

4 खुनेऱ कुनिःमाओ सेसे नु आप्तिक् मेःन्नेबा आबोःड्ल फाऱआड् ख्रिस्तेल्ले चोगुल्ले इक्सा खाम्बेःक् पोःड्मानुःल्ले तगिसा आसेगेआड् वये ॥ खुनेऱ लुड्माऱ आदुक्तेबाल्ले चोगुल्ले

5 खुनेऱ कुनिड्वाऱ कुइसिःक् कुसिराऱ थाडेर येसु ख्रिस्तलाम् कुस्साः पोःड्से तगिनुए आनिऱ आसेगेआड् वयेरो ॥

6 हेक्केःल्ले निड्वाऱफुमाड्डिल्ले आबाडे लुड्माऱ तुक्तुबा कुस्साःन्लाम्बा कुनिड्वाऱ हन्दुआड् साऱरिक् लुड्माऱ आदुक्तेबाल्ले चोगुल्ले कुनारा फोःसुम्लो ॥

7 हेक्क्याड् निड्वाऱफुमाड्डिल्ले साऱरिक् लुड्माऱ आदुक्तेबाल्ले चोगुल्ले येसुरे कुमाक्खिऱड्ले आनिऱ लायोलाम् लेप्पि आबिरेऱ आधेऱरेआड् वाऱ ॥

8 साऱरिक्के लुड्माऱ आदुक्तेआड् वाऱरो!

9 काक् सिक्कुम् निड्वाऱ नु खासिड् निःप्माल्ले निड्वाऱफुमाड्डिल्ले ख्रिस्तलाम्बा चोःक्मा निड्वाऱ इःतुबा सिबिऱ पाःन्निन् कुसिराऱ थाडेर कुसिड्निःप्मा आबाड्घेआड् वाऱ ॥

10 हेक्क्याड् सुयेम्मिन् केत्ताड् निड्वाऱफुमाड्डिल्ले ख्रिस्तेऱ युक् चोगुर फाऱआड् साड्ग्राम्पेदाड् नु इक्सा खाम्बेःक्को केवाऱबा केरेक् पाःन्हाऱ तारुऱरो ॥

11 ख्रिस्तेन्नु थिक्हुप् आवाऱबाल्ले चोगुल्ले निड्वाऱफुमाड्डिल्ले आनिऱआड् खुनेऱलाम् लक् खोःसे आसेगेआड् आवाऱ, थेआड्भेल्ले कड्ग तगिनुसा खुनेऱ चोःक्मा निड्वाऱ इःतुबा हेक्के केरेक् पाःन्हाऱ पोःड्लो ॥

12 हेक्केलऱरिक् आनिगे यहुदिहाऱ केरेक्नुःल्ले तगि ख्रिस्तओ निड्साड् केजोःक्पाहाऱए मिमिदिड्गेन् निड्वाऱफुमाड्डिल्ले कुनारा केभोःबा पोःक्खिगेऱरो ॥

13 आल्ल खिनिऱआड् सेक्खाबा पाःन्जाक् सेन्लप्रेऱन्सुनाइड् केघेप्सुम्लो, हेक्क्याड् ख्रिस्तेन्नसाःन् केजोगुम्बा येम्मो खिनिऱग

आमनानिङ् फाऱ्आङ् ओसेःन्दाङ् चोःक्से निङ्वाऱ्फुमाङ्डिल्ले माङ्हेक् चोगुबा सेसेमाङ्डिन् केबिरिआङ् वाऱ्रो ॥

14 आनिऱ् निङ्वाऱ्फुमाङ्डिल्ले कुमनाहाऱ् थेऱ्मा आन्छुःत्नेन्ल थारिक् निङ्वाऱ्फुमाङ्डिल्ले माङ्हेक् आजोगेबा केरेक् पाःन्हाऱ् सेक्खाए आबिऱ् लऱरिक् सेसेमाङ्डिन् तेन्याङ् कुइसिःक् आबिरेबारो ॥ मिमिदिङ्गेन् निङ्वाऱ्फुमाङ्डिल्ले कुनारा केभोःबा आनिऱ् आबोःङ् ल फाऱ्आङ् खुनेऱ् हेक्के चोगुबारो ॥

पावलरे चोगुबा तुवा

15 खेल्ले चोगुल्ले इङ्गाऱ्आङ् दाङ्बा येसुःन् केजोगुम्बा नसाःन्निन् नु केरेक् निङ्वाऱ्फुमाङ्डिल्ले सेसे कुमना नसानिबाहाऱ् लुङ्माऱ् केदुक्तुम्मिम्बा पाःन्निन् खेप्सुङ्डाङ्

16 खिनिऱ् लागि निङ्वाऱ्फुमाङ्डिन् चक्मेल्लऱ्ए नोगेन् पिरुङ्लो ॥ इङ्गाऱ् चोगुङ्बा तुवाओ निङ्वाऱ् इःत्निङ् ल

17 आनिऱ् दाङ्बा येसु खिस्तरे मिमिदिङ्गेन् कुम्बा निङ्वाऱ्फुमाङ्डिल्ले खुनेऱ् कुयाःम्बेओ नुःरिक्काङ् कुसिङ् निःप्पारे लागि सिक्कुम्दिङ् निङ्वाऱ् केबिबा नु निङ्वाऱ्फुमाङ्डिन् ओसेःन्दाङ् केजोःक्पा सेसेमाङ्डिन् केबिरिऱ् फाऱ्आङ् तुवा चोःक्कारो ॥

18 खिनिऱ् खासिङ् निःप्पा केसुक्पा केबोःक्खिऱ् फाऱ्आङ् इङ्गाऱ् तुवा चोःक्कारो ॥ हेक्क्याङ् खिनिऱ् केउःत्तिआङ् खोःमा केबोःङ्बा लक्किन् कुसिङ् केनिःत्तुम्लो ॥ खेन् साऱरिक् इमेल्लुङ्बा मिमिदिङ्गेन् लक्किन् निङ्वाऱ्फुमाङ्डिल्ले सेसे कुमनाहाऱ्नु माङ्हेक् चोगुआङ् वाऱ्रो ॥

19 हेक्क्याङ् खुनेऱ् पयम् यम्बा कुमुक्साम्मिल्ले आनिऱ् नसाःन् केजोःक्पाहाऱ् कुभाऱ् आबिऱ् केलऱ्बा पाःन्निन् कुसिङ्निःप्पा केसुक्तुम्लो ॥ हाबा खेन् मुक्साम्मिन्

20 ओगप् चोगुल्ले खुनेऱ केसिःबा ख्रिस्तेन्कुहिङ्वेत्चोगु हेक्क्याङ् साङ्ग्राम्पेदाङ्बा तेन्नो मिङ्सो इङ्धाःङ् पिरुर कुजुप्साङ् लेप्माङ् युक्खुआङ् युङ्लो ॥

21 खेप्पो ख्रिस्तेऱे केरेक् सुहाङ्गेम्बाहाऱ, युक् केगप्पाहाऱ, मुक्साम् केगप्पाहाऱ, नु हाङ्गुक् केजोःक्पाहाऱ सम्दाङ् हाङ् चोगुरो ॥ हेक्क्याङ् कन् येम्मोरक् मेःन्, कर केदाःबा येम्पोआङ् खुनेऱ वेऱ केरेक्नुःल्लेआङ् थोधोक्पा चोःक् ॥

22 हेक्क्याङ् निङ्वाऱफुमाङ्डिल्ले ख्रिस्तेऱे कुयुक् सिगाङ् केरेक् युक्खुआङ् वाऱ, हेक्क्याङ् सेसेहुप्लक्के लागि खुनेऱए केरेक् सम्दाङ् कुधेगेःक् चोगुरो ॥

23 आल्ल कन् सेसेहुप्लक्किङ्ग ख्रिस्तेऱे नासिङ्गेन् कुधक् नु कुलिङ्धो केगप्पा पाःन्लो ॥ हेक्क्याङ् खुनेऱए केरेक् कुलिङ्धो केत्तुरो ॥

2

ख्रिस्तेन्नु सोरिक् कुहिङ्वेत् आबोःङ्

1 केबेःक्पा येम्पो ख्रिनिऱ केजोगुम्बा लायोबा याःम्बक्किल्ले चोगुल्ले केस्येऱङ्आङ् केवयि ॥

2 खेन् येम्पो ख्रिनिऱआङ् कन् खाम्बेःक्पोबा थिम्मिन् नु फेन्साम्हाऱरे ख्रिनिऱ हाङ्जुम्मो हाङ् केजोःक्पा माफेन्साम्मिल्ले कुबाःन्निन् केधेप्सुम्माङ् केवयि ॥ खेन् साम्मिन्ने निङ्वाऱफुमाङ् इङ्जाःङ् मेङ्घेम्मानाबाहाऱरे ख्रिनिऱ सिक्कुङ्गुमो याःम्बक् चोःक्ल वाऱरो ॥

3 खेङ्हाऱरे ख्रिनिऱ लुम्मो उन्छोःन् आनिऱआङ् याम् नु निङ्वाऱङ्गिल्ले चोःक्मा कोःत्तुबा लायोबा लाम्पो आवये ॥ खेङ्हाऱ हेक्के आनिऱआङ् निङ्वाऱफुमाङ्डिल्ले कुघासेन्नो केधाःबा आबोःक्खेआङ् आवयेरो ॥

4 कर साऱरिक् लुङ्गुम्दाङ्बा निङ्वाऱफुमाङ्ङिल्ले साऱरिक् लुङ्माऱ आदुक्तेरो ॥

5 आनिऱ लायोःल्ले चोगुल्ले याम्साम्मो आस्येआङ् आवयेसाङ् ख्रिस्तेन्नु सोरिक् खुनेऱ कुहिङ्वेत् आजोगेआङ् आवाऱरो-खुनेऱ लुङ्माऱ केदुक्तिबाल्ले खिनिऱ ताङ्गेसेःप्तिआङ् केवयिऱ ॥

6 हेक्केलऱरिक् खुनेऱ ख्रिस्तेन्नु सोरिक् कुहिङ्वेत् आजोगेआङ् साङ्ग्राम्पेदाङ्बा तेन्नो ख्रिस्त येसुःन्नु आयुक्खेआङ् आवाऱरो ॥

7 कङ्ग केदाःबा येम्मो खुनेऱ साऱरिक् इमेल्लुङ्बा कुलुङ्गुम्मिन् ओसेःन्दाङ् चोःक्मा फाऱआङ् हेक्के चोगुबारो ॥ ख्रिस्त येसुलाम् लुङ्माऱ आदुक्तेबा कन् लुङ्गुम्मिन् ओसेःन्आधाक्तेरो ॥

8 निङ्वाऱफुमाङ्ङिल्ले लुङ्माऱ केदुक्तिबाल्ले चोगुल्ले ख्रिस्तेन्नसाःन् केजोगुम्बालाम्बा खिनिऱ ताङ्गेसेःप्तिआङ् केवयिऱ ॥ कङ्ग आबाडे खिनिऱ केजोगुम्बा याःम्बक्लाम् मेःन्, कर निङ्वाऱफुमाङ्ङिल्ले कुबर्धाःम्मिल्ले चोगुबारो ॥

9 मनारे मेजोगुबा याःम्बक्लाम् अक्खे पोःक्खेबा मेःन्लो, खेल्ले चोगुल्ले मनाहाऱरे आङ्दिङ् लऱमा पाःन्ने होःप्लो ॥

10 थेआङ्भेल्ले नुःबा याःम्बक्हाऱ चोःक्मा फाऱआङ् ख्रिस्त येसुलाम् निङ्वाऱफुमाङ्ङिल्ले आनिऱ आजोगेबारो ॥ निङ्वाऱफुमाङ्ङिल्ले खेन् नुःबा याःम्बक्हाऱ आनिऱ आजोगुम्ल फाऱआङ् तगिसा यारिप् चोगुआङ् वयेबारो ॥

ख्रिस्तेन्नु थिक्हुप् आबोःङ्

11 खेल्ले चोगुल्ले थिम्मन्दङ् सुवाङ्ङो सागेवाःन्नासिबान् निङ्वाऱ इःत्तेम्मेऱओ ॥ हेक्क्याङ् आनिगे हर्दो हेक्मा थिम् केगप्पासिगे केलऱबा यहुदिहाऱरे खिनिऱ “हर्दो मेन्हेक्मनानिङ्” केम्मेत्तिऱ (कर खेङ्ग मनाहाऱरे नासिङ्गेन् थक्को मेजोगुबा थिम्लक्लो) ॥

12 खेन् येम्मो खिनिऱ खिस्त मेःन्ने, इस्राइलबा यक्युड्बा केन्वयिन्, निड्वाऱफुमाड्डिल्ले पिनिड् फाऱआड् माड्हेक् चोगुबा माड्हुप्हाऱ मेड्घोःमनाबा, निड्साड् केहोःप्पा नु कन् इकसादिड् खाम्बेःकमाओ निड्वाऱफुमाड् मेःन्ने केवयिबान् निड्वाऱ इःत्तेमेऱओ ॥

13 कर खिनिऱ तगि निड्वाऱफुमाड्लाम् माःड्घा केवयिसाड् आल्लो खिनिऱ खिस्त येसुःन्नु थिक्हुप् केबोःड्बाहाऱ खिस्तरे कुमाक्खिऱइन् वादेःन्दुबाल्ले चोगुल्ले निःत्ताड् केबोःक्खिऱआड् केवयिऱरो ॥

14 थेआड्भेल्ले खुनेऱलाम्बाए आनिऱ सनारुड् आघोःसुम्माड् आवाऱ ॥ खुनेऱए यहुदिहाऱ नु थिम्मेन्दड् सुवाड्हाऱ केसेम्बा निड्मिगेन् लुड्धाक् कुइसिःकपा थिम्मिन् आबाडे नासिड्गेन् कुधक्को यस्सुर खेड्हाऱ थिक्हुप् चोगुसिआड् वाऱ ॥

15 खुनेऱए साम्योथिम् इड्जाःड्डोबा थिम्हाऱ थेनाधेबा चोगु ॥ खुनेऱए यहुदि नु थिम्मेन्दड् सुवाड्लुम्मो सनारुड् ताःत्छे नेत्छि सुवाड्लाम्बा खुनेऱनु थिक्हुप् केबोःड्बा लत्छा कुसड् सुवाड्धिक्चोगुआड् वाऱरो ॥

16 हेक्केःल्ले खुनेऱ सिलाम्साक्मा सिड्डो स्येआड् आनिऱ नेत्छि सुवाड्बा मनाहाऱ थिक्हुप्पो आदारे हेक्क्याड् निड्वाऱफुमाड्डिन्नु नादड् आजोगे, हेक्केलऱरिक् आनिऱ लुम्मोबा चिःत्छिड्मान् खेतुदेःसुरो ॥

17 खिस्तेन्त्येआड् निड्वाऱफुमाड्डिन्नु माःड्घा केवाऱबा खिनिऱ थिम्मेन्दड् सुवाड्हाऱ नु निःत्ताड् केवाऱबा यहुदिहाऱओ सनारुड्डिल्लेन् सुनाइड् सेःसुरो ॥

18 खुनेऱलाम्मे आनिऱ केरेक्ले थिक् सेसेमाड् आघोःसुम्माड् पानुदिड् पाः निड्वाऱफुमाड्डो पेःकमा आघोःसुम्माड् आवाऱरो ॥

19 खेल्ले चोगुल्ले आल्ल खिनिऱ थिम्मेन्दड् सुवाड्हाऱ वेऱ

लाजेऱबा नु तास्वाबानिङ् मेःन्, कर खिनिऱग निङ्वाऱफुमाङ्डिल्ले सेसे कुमनाहाऱनु निङ्वाऱफुमाङ्डिल्ले कुहिम्सयङ्डोबा यक्युङ्बा केबोःक्खिआङ् केवयिऱरो ॥

20 आनिऱग सेःक्युक्मिबा नु माङ्निङ्वाऱपाःन् केबाःप्पाहाऱरे मेःनेस्सुबा हिम्पाङ्क्यको चोःक्मनाबा हिम् कुइसिःक् आजोःक् ॥ हेक्क्याङ् खेन् हिम्मिल्लेन् केयेक्पा कुम्मालुङ्डिङ्ग ख्रिस्त येसुःन्नेरो ॥

21 खुनेऱओए काक् हिम्मिन् काम्माङ् दाङ्बाल्ले लागि सेसेबा माङ्हिम् पोःङ्डाङ् पोःर पेःक्लो ॥

22 हेक्क्याङ् खिनिऱआङ् खुनेऱनु सोरिक् थिक्हुप् केबोःक्खिआङ् निङ्वाऱफुमाङ्डिल्ले कुयुङ्मादेन् केबोःक्खिऱ, हेक्केलऱरिक् खिनिऱओ निङ्वाऱफुमाङ्डिन् सेसेमाङ्गलाम् युङ्गलो ॥

3

थिम्मेन्दङ् सुवाङ्गुम्मो पावलरे कुमाङ्सेवा

1 हेक्केःल्ले इङ्गाऱ पावलरे खिनिऱ थिम्मेन्दङ् सुवाङ्हाऱओ ख्रिस्त येसुरे कुयाःम्बेओ सुनाइङ् सेःसुङ्बाल्ले चोगुल्ले पुङ्गलाहिम्मो साक्पा थ्याङ्बारो ॥

2 निङ्वाऱफुमाङ्डिल्ले लुङ्माऱ आदुक्तेबाल्ले कुयाःम्बेओ खिनिऱ इङ्गोःमा लक्पेन्निन् खुनेऱ पिराङ्बान् खिनिऱ केयेप्सुम्माङ् केवयिऱ केलऱबा निङ्वाऱ इःतुङ्गलो ॥

3 कङ्ग निङ्वाऱफुमाङ्डिल्ले ओसेःन्धाक्ताङ्बा कुनिङ्वाऱ सिगाङ्बा पाःन्लो ॥ कल्ले कुयाःम्बेओ इङ्गाऱ तगिसा मिसाक् साप्तुङ्डाङ् वाऱरो ॥

4 कन् सकइङ्घड्डिन् केनिःरुम्माड् इङ्गाऱ् निङ्वाऱ् खोःसुङ्बा ख्रिस्तेऱ् कुयाःम्बेओबा सिबिऱ् पाःन्निन् कुसिङ्निःप्मा केसुकुतुम्लो ॥

5 खेन् पाःन्निन् केबेःक्पा येम्मोबा मनाहाऱ्ओ ओसेःन्दाड् मेम्बोःङ्डे वये, कर कन् येम्मो सेसेमाङ्लाम् निङ्वाऱ्फुमाङ्डिल्ले सेसे कुसेःक्युक्मिबाहाऱ् नु माङ्निङ्वाऱ्पाःन् केबाःप्पाहाऱ्ओ ओसेःन्दाड् पोःक्खेआड् वाऱ्रो ॥

6 खेन् सिबिऱ्बा पाःन्निन् बा कन्लो-सुनाइङ्लाम्बाए थिम्मन्दङ् सुवाङ्हाऱ् यहुदिहाऱ्नु सोरिक् युक्साबासि, सोरिक् थिक्हुप् केबोःङ्बासि हेक्क्याड् ख्रिस्त येसुलाम् केदाःबा निङ्वाऱ्फुमाङ्डिल्ले कुमाङ्हेक्किल्लेन्सोरिक् लक् केघोःबासिरो ॥

7 निङ्वाऱ्फुमाङ्डिल्ले कुलुङ्गुम् नु कुमुक्साम्लाम् इङ्गाऱ् कन् सुनाइङ् केसेबा सेवारोबा पोःक्खाङ्लो ॥

8 निङ्वाऱ्फुमाङ्डिल्ले केरेक् सेसे कुमनाहाऱ्नुःल्ले इङ्गाऱ् योःयोःक्पा चोःक्कासाङ् कुसिङ् निःप्माए सुक्मेन्देप्मनाबा ख्रिस्तेऱ् आबिरेबा हाङ्वा मुऱ्इसाम्मिल्ले कुयाःम्बेओ थिम्मन्दङ् सुवाङ्हाऱ् इङ्भोःमासि फाऱ्आङ् कन् लुङ्गुम्मिन् इङ्गाऱ् पिराङ्लो ॥

9 हेक्क्याड् काक् पाःन्हाऱ्रेन् नावागेन् चइःत् केनेबा निङ्वाऱ्फुमाङ्डिल्ले उनाहुरिआङ्धो मारुबा पाःन्निल्लेन् निङ्सेःक्किन् काक् मनाहाऱ् चेक्मासि फाऱ्आङ् इङ्गाऱ् सेगाङ्लो ॥

10 अक्खेलऱ्रिक् सेसेहुप्लक्लाम्बा निङ्वाऱ्फुमाङ्डिल्लेन् काक् परिक्पा सिक्कुम्दिङ् निङ्वाऱ्इन्ताङ्साक्पाओबा काक् हाङ् केजोःक्पा नु युक् केजोःक्पा फेन्साम्हाऱ्ओ ओसेःन्दाड् पोःङ्लो ॥

11 कङ्ग निङ्वाऱफुमाङ्ङिल्ले चोगुबा मेन्नुप्पनाबा निङ्वाऱसोःक् कुइसिःक् आनिऱ दाङ्बा ख्रिस्त येसुलाम्बा कुलिङ्धो केत्तुरो ॥

12 खुनेऱ चोगुल्ले हेक्क्याङ् खुनेऱ आजोगुम्बा नसाःन्लाम्बा हाङ्हाङ् लऱरिक् मेङ्गिए निङ्वाऱफुमाङ्ङो पेःक्मा आघोःसुम्लो ॥

13 खेल्ले चोगुल्ले खिनिऱ लागि इङ्गाऱ तुमुङ्बा इनोगेन् तुक्खेःन् केनिःसुम्मिल्ले खिनिऱ निङ्साङ् मेबुक्नेन्ल कर खेङ्ग खिनिऱ इङ्धाःङ् केघोःसुम्बा हेक्के इःतेम्मेऱओ फाऱआङ् पेलि फाक्किङ्लो ॥

पावलरे एफिसिहाऱरे लागि चोगुबा तुवा

14 खेल्ले चोगुल्लेए इङ्गाऱ पानुदिङ् पाः निङ्वाऱफुमाङ्ङिल्ले कुदगि थुङ्बोहजऱआङ् तुवा चोःक्कारो ॥

15 खुनेऱलाम्बाए इक्सादिङ् खाम्बेःक् नु साङ्ग्राम्पेदाङ्बा केरेक् मेन्छाम् सयङ्हाऱरे खुनिऱ मिङ् मेघोःसुऱरो ॥

16 खुनेऱ मुल्लुक् मिमिदिङ्गेन् कुमुक्साम्लाम् कुसेसेमाङ्ङिल्ले खिनिऱ याम्साम्मो केधुम्बा केजोगिर फाऱआङ् तुवा चोःक्कारो ॥

17 हेक्केलऱरिक् नसाःन्लाम् ख्रिस्तेन्खिनिऱ सिक्कुङ्मो वाऱर ॥ निङ्वाऱफुमाङ्ङिल्ले कुमिःम्जिओ खिनिऱ साःप् लेःत्तिङ्ङाङ् केधुम्बा केबोःक्खिर,

18 हेक्केलऱरिक् खिनिऱ केरेक् निङ्वाऱफुमाङ्ङिल्ले सेसे कुमनाहाऱनु ख्रिस्तेरे आक्खेन् साऱरिक् लुङ्माऱ आदुक् केलऱबान् काक् परिक्लाम् कुसिङ्निःप्मा केसुक्तुम्लो ॥

19 हेक्क्याङ् नेहिनिङ्वाऱरे मेघोःप्तुम्बा ख्रिस्तेरे कुमिःम्जिन् कुसिङ्केनिःत्तुम्माङ् निङ्वाऱफुमाङ्ङिन् कुलिङ्धो केगेप्पा चोःक्पा कुइसिःक् केबोःक्खिररो ॥

20 आल्ल आनिऱ नाःकमनाबा हेक्क्याङ् इःप्मनाबानुःल्लेआङ् यरिक् चोःकमा केसुकपा आनिऱओ याःम्बक् केजोःक्पा खुनेऱ कुमुकसाम्लाम् निङ्वाऱफुमाङ्डिल्लेन्

21 केरेक् येम्मो, केरेक् मेन्छाम् थाःक्को, सेसेहुप्लक्को नु ख्रिस्त येसुओ सदादिङ् सदादिङ् कुनारा पोःररो ॥ आमेन् ॥

4

याम्साम्गेन्थिक्हुप् पोःङ्मा

1 ख्रिस्त येसुरे कुयाःम्बेओ इङ्भोःसुङ्बाल्ले चोगुल्ले इङ्गाऱ पुङ्लाहिम्मो साक्पा केधाःबाल्ले निङ्वाऱफुमाङ्डिल्ले सेगुसिबा मनाहाऱ खेम्दु लाऱरुसिबा हिङ्मन्नो मेवाऱबा हेक्के वयेम्मेऱ फाऱआङ् पेलि फाक्निङ्लो ॥

2 काक् चुङ्जिगेन् नःमनःम् नु सुम्सुम्माङ्वयेम्मेऱ ॥ हेक्क्याङ् निङ्वाऱ यो धो मेल्लऱए लुङ्माऱ तुक्कासिम्मेऱर नासि थःत्तेम्मेऱओ ॥

3 वेऱहाऱनु सनारुङ्डो वयेम्मेऱआङ् सेसेमाङ्लाम् केदाःबा थिक्हुप्पो वाऱमा साऱरिक् कोःत्तेम्मेऱओ ॥ सेसेमाङ्लाम् केदाःबा थिक्हुप्पो वाऱमा फाऱआङ् काक् परिक्ले तम्सिन् चोगेम्मेऱर सनारुङ्डो वयेम्मेऱओ ॥

4 निङ्वाऱफुमाङ्डिल्ले केउःत्तिल्ले लत्छा निङ्साङ् केबिरिबा कुडिसिःक्के, ख्रिस्तेन्नसाःन् केजोःक्पाहाऱ लत्थिक् थक्सिरो ॥ हेक्क्याङ् सेसेमाङ् लत्थिक् वाऱ,

5 दाङ्बान् लत्थिक् वाऱ, नसाःन् लत्थिक् वाऱ, हेक्क्याङ् बप्तिस्माआङ् लत्थिक् वाऱ ॥

6 हेक्क्याङ् काक् मेन्छाम् याप्पिरे पानुदिङ् पाः निङ्वाऱफुमाङ्डिन् लत्थिक् वाऱरो ॥ खुनेऱए आनिऱ केरेक्

सम्दाइ युक् कतुह, आनिह केरेक्लाम्बा या:म्बक् चोगुह,
हेक्क्याइ आनिह केरेक्को वारो ॥

7 कर ख्रिस्तर हेबा पिमा निइवाह चोगुबा इसि:क् आनिह
केरेक्ले पर्धा:म् आघो:सुम्माइ आवाह ॥

8 खेल्ले चोगुल्ले साम्योसाप्लाओ अक्खे साप्तेआइ पत्,
“खुनेह था:इ पे:ल्ले ना:न्दुसिबाहाह
खुनेहनु तेहरुसि,

हेक्क्याइ कुमनाहाह पर्धा:म्हाह पिरुसि ॥”*

9 आल्ल कन् “था:इ पे” फाहइडुग थे:न्बे? कन् फाहइडुग खुनेहग
यो खाम्बे:क् सिगाइ थारिक्काइ थ्ये केलहबाने पो:इलो ॥*

10 थोलाम्नु केधा:बान्ने केरेक् खाम्बे:क्माओ नु तर:ङ्गेन्
ताइसाइडो वार फाहआइ ताइसाक्पेन्नु:ल्लेआइ थो थारिक् पे ॥

11 खुनेहए कुभा से:क्युक्मिबा, माइनिइवाहपा:न् केबा:प्पा,
सुनाइइ केसेबा हेक्क्याइ नसानिबाहाह कम्ब्राइ केमेप्पा नु
सिक्साम्बा पो:इसे पर्धा:म्हाह पिरुसिरो ॥

12 हेक्केलहरिक् सेसेहुप्लक् ख्रिस्तर कुधक्किन् थोबो पो:इल
फाहआइ निइवाहफुमाइडिल्ले सेसे कुमनाहाह माइसेवा या:म्बक्
चो:क्मार लागि यारिप् मेबो:इलरो ॥

13 हेक्केलहरिक् आनिह केरेक् नसा:न्नो नु निइवाहफुसा:ल्ले
कुनेहिनिइवाहओ थिक्हुप् आबो:इ, हेक्क्याइ दाइबाओ केरेक्
खासिइ केनि:प्पा आबो:इडाइ ख्रिस्तओ कुलिइधो आगेत्तो ॥

* 4:8 □□□□□□□□□□□□ □□□ □□.१८ * 4:9

□□ □□□□□□□ □□□□□-□□□□□□□ □□□□□□
□□□□□□□□□□ □□□□□□□□ □□□□□□□ □□□□□□
□□□□□□□□□□□□□□□□□□□□ □□□□□□□□
□□□□□□□□□□□□□□□ □□□□□□□□□□□□□□□□□
□□□□□□ □□□□ □□□□□□□□□□, कर वेहारे
खेमादिइइसइथारिक्काइकेरेरो फाहआइमेइ:तु ॥

14 हेक्केःल्ले आनिऱ अडेःक्वाहाऱ कुइसिःक् कुनिड्वाऱ केबाःक्पा आम्बोःङ्नेन् ॥ हेक्क्याड् वाभेल्लेड्डिल्ले हिप्तुआड् वाःन्दुबा खःड्बेन् कुइसिःक् इड्लेक्के मनाहाऱरे खुनिऱ मुजाःप्पा फेन् निसाम्मिल्ले आनिऱ ना-कत्ता आन्वाःन्नेन्लो ॥

15 खेल्ले कुलेक्वा मिःम्जिन्नु सेक्खा पाःन् आबाःत्तुम्मिल्ले आल्लसाड् यरिक् आनिऱ काक् परिक्के ख्रिस्तेन्हेक्केए आबोःङ्, थेआड्भेल्ले खुनेऱए आनिऱ थेगेःक्पारो ॥

16 खुनेऱलाम्बाए नासिङ्गेन् थक्कोबा केरेक् याम्लक्हाऱ चक्सिड्डाड् आबाडे याःम्बक् चोगुर मिःम्जिःल्ले कुधिम् पोःड्डाड् केधुम्बा पोःड्ल पेःक्लो ॥

ख्रिस्तओ कुसड् हिड्मन्

17 खेल्ले चोगुल्ले इड्गाऱ दाड्बाल्ले कुयुक्किल्ले अक्खे मेत्तिड्, खिनिऱ निड्वाऱफुमाड् कुसिड् मेन्निःप्पनाबाहाऱ मेवाऱबा कुइसिःक् मेवयेम्मिन्नेऱओ, थेआड्भेल्ले खेड्हाऱरे खुनिऱ निड्वाऱइन्कुसुम्मेन्दम्मनाबा चोःक्लो ॥

18 खेड्हाऱरे केसाक्पा खुनिऱ निड्वाऱइल्ले नु निड्वाऱ पाःक्माल्ले चोगुल्ले खेड्हाऱ निड्वाऱफुमाड्डिल्ले पिरुसिबा हिड्मन्लाम् माःङ्घा मेबोःक्खेआड् मेवाऱ, हेक्क्याड् खेड्हाऱरे खुनिऱ निड्वाऱइन्खादाप्तुआड् वाऱ ॥

19 खेड्हाऱरे खुनिऱ निड्वाऱ थःप्पाड् निड्वाऱ थाप्थाप् फेन् याःम्बक् मेजोगुरो ॥ खेड्हाऱरे केरेक् परिक्पा आजिःन्जिःम्बा नु सिक्केलेःड्बा पाःन्नो चक्मेल्लए निड्वाऱ मेबिरुऱरो ॥

20 कर खिनिऱग ख्रिस्तरे कुयाःम्बेओ हेक्केलऱरिक् केन्हुऱआसिन् ॥

21 कुजेक्के खुनेऱ कुयाःम्बेओ केघेप्सुम्माड् येसुरे कुसेक्खाःन् केहुऱआसिआड् केवयिऱरो ॥

22 खेल्ले चोगुल्ले ख्रिस्तेननसाःन् मेन्जोःक्के केवयिल्ले इड्लेक्के फेन् निड्वाऱडल्ले फेत्लाःन्दुबा खिनिऱ तगिबा येप्लेक्किन् लाप्फुसेम्मेऱआड्

23 खिनिऱ सिक्लुड्मान् नु निड्वाऱडनकुसड् पोःड्माए पोःड् ॥

24 हेक्क्याड् निड्वाऱडफुमाड् कुइसिःक् सेक्खा, साम्योनिबा नु सेसे चोगेबा कुसड् येप्लेक्किन् कुसड् चाड् कुइसिःक् चाक्खेम्मेऱओ ॥

25 खेल्ले चोगुल्ले इड्लेक् पाःन्हाऱ खिनिऱ केरेक्के लेऱेम्मेऱआड् खिनिऱ लुम्मो सेक्खा पारेम्मेऱ, थेआड्भेल्ले आनिऱग लट्छा थक्कोबा याम्लक्सिरो ॥

26 खिनिऱ सिक् पोःक्साड् लायो मेजोगेम्मिन्नेऱ ॥ नाम्धामानुःल्ले तगिए खिनिऱ सिक् पोःक्मान् चिप्ल,

27 हेक्केलऱरिक्के माफेन्साम्मिन् खिनिऱ निड्वाऱओ याःम्बक् चोःक्मा मेबाड्घेम्मिन्नेऱओ ॥

28 केघुःम्बाल्ले आल्लआड्धो खुःप्पा मेनुऱनेन्लो, कर खेल्ले मेड्गप्पनाबाहाऱ पिमा सुक्तुसिर फाऱआड् याम्बुधिककाड् नुःबा याःम्बक् चोःक्माए पोःड्लो ॥

29 खिनिऱ ताप्फेःम्बा पाःन् पाःप्पा मेनुऱनेन्, कर केघेम्बाहाऱरे कुभाऱ मेघोःसुर फाऱआड् कुसुम्गेदम्बा नु हाड्हाड् केमेप्पा पाःन्लक् पारेम्मेऱ ॥

30 हेक्क्याड् केजोगुम्बा पाःन्लाम् निड्वाऱडफुमाड्डिल्ले कुसेसेमाड्डिल्ले कुनिड्वाऱ मेदुक्खेम्मिन्नेऱ, थेआड्भेल्ले काक् चोःक्युम्भो खोःमा येन् थारिक् खिनिऱ आमनानिड् फाऱआड् ओसेःन्दाड् चोःक्से निड्वाऱडफुमाड्डिल्ले सेसेमाड्डिन् केबिरिआड् वाऱरो ॥

31 केरेक् सिक् कुःमा, सिक् पोःक्मा, याःक् लेऱमा, हयड्किल्लिड् चोःक्मा, चेऱया इड्दो पाःप्पा हेक्क्याड् काक् परिक्पा मना चिःप्पा लेऱेम्मेऱओ ॥

32 कर निड्वाऱफुमाड्डिल्ले ख्रिस्तलाम् खिनिऱ लायोःन् लेप्मि केबिरिबा हेक्केए, खिनिऱआड् लेप्मि पिआसिम्मैऱर लुड्माऱ तुक्कासिम्मैऱआड् लुड्माऱ स्याःत् मेत्तासिम्मैऱओ ॥

5

ओःत्तिओ लाड्घेःक्मा

1 खेल्ले चोगुल्ले खिनिऱ निड्वाऱफुमाड्डिल्ले कुमिःम् कुस्साः केबोःक्खिबाल्ले चोगुल्ले खुनेऱ हेक्के पोःड्मा कोःत्तेम्मैऱओ ॥

2 ख्रिस्तरे आनिऱ लुड्माऱ आदुक्तेआड् आनिऱ लागि स्येबा कुइसिःक् खिनिऱआड् लुड्माऱ तुक्कासिम्मैऱओ ॥ खुनेऱए निड्वाऱफुमाड्डो तोःम्मनाबा कुनाम् केनुऱबा नु कुनिड्वाऱ केदाःबा सिदुड्जभा पोःड्से आबाडे पिसिड्लो ॥

3 कर याम्बोःप्मान्, काक् आजिःन्जिःम्बा पाःन्हाऱ इग्र खिःम्मा पाःन्निन् लत्छाआड् खिनिऱ लुम्मो मेवाऱनेन्ल, थेआड्भेल्ले हेक्कतड्बा पाःन्हाऱरे निड्वाऱफुमाड्डिल्ले सेसे कुमनाहाऱ मेघेम्दुन्छिन् मेलाऱरुन्छिन्लो ॥

4 हेक्कयाड् मेघेम्दुन्छिन्बा मेन्जिक्क्रा पाःन्, अदड् पाःन् नु माड्बाःन् पाःप्मा मेनुऱनेन्लो, कर निड्वाऱफुमाड्डिन् नोगेन् पिमा पाःन् पाःप्मा पोःड्लो ॥

5 थेआड्भेल्ले याम्बोःप्मा याःम्बक् केजोःक्पा, आजिःन्जिःम्बा याःम्बक् केजोःक्पा नु खिःम्बाक्पा आत्तिन्हाऱरेआड् ख्रिस्त नु निड्वाऱफुमाड्डिल्ले खुन्छिऱ हाड्जुम्मो लक् मेड्घोःसुन् फाऱआड् खिनिऱ नुःरिक्काड् कुसिड् केनिःत्तुम्मैरो ॥ खेन् खिःम्बाक्पाड्ग नावाइत्ला सेवा केजोःक्पाएरो ॥

6 खेन् हेक्कतड्बा पाःन्नो हाःत्लेआड् खिनिऱ हनेबा पाःन्लाम् इड्लेक्मा केन्छुक्कितन्लरो, थेआड्भेल्ले खेन् हनेबा पाःन्लिल्ले

चोगुल्ले निड्वाऱफुमाड्डिल्ले कुसाक्केन् खुनेऱ मेन्डःप्पना
मेन्नाःप्पनाबाहाऱओ थाःरो ॥

7 खेल्ले चोगुल्ले हेक्तड्बा मनाहाऱनु लाःत्लाःत् वयेम्मेऱओ,

8 थेआड्भेल्ले तगि खिनिऱआड् खादाम्मो केवयि, कर आल्ल
खिनिऱ दाड्बान्नु थिक्हुप् केबोःक्खिआड् ओःत्तिओ केवयिऱ ॥
खेल्ले चोगुल्ले खिनिऱ ओःत्तिओ केवाऱबा मनाहाऱ कुइसिःक्
वयेम्मेऱ ॥

9 थेआड्भेल्ले ओःत्तिओ केवाऱबाहाऱरे केरेक् नुःबा,
साम्योनिबा नु सेक्खाबा याःम्बक्हाऱ मेजोगुऱ ॥

10 दाड्बाल्ले कुनिड्वाऱ केदाःबा पाःन्हाऱ कोःत्तेम्मेऱ ॥

11 खादाम्मालुम्मोबा कुसुम्मेन्दम्मनाबा याःम्बक्
केजोःक्पाहाऱनु मेगाम्मासिम्मेन्नेऱ, कर खेन् हेक्तड्बा
याःम्बक्हाऱ नुःबा मेःन् फाऱआड् ओसेःन्धाक्तेम्सिम्मेऱ ॥

12 थेआड्भेल्ले लायो केजोःक्पा मनाहाऱरे स्वाःत्ताड् मेजोगुबा
पाःन्हाऱ पाःप्माआड् आनुःन्लो ॥

13 कर खेड्हाऱरे मेजोगुबा याःम्बक्हाऱ आक्खेन् ताप्फेःम्बा
चोःक् फाऱआड् ओःत्तिओ थाःप्लो ॥

14 थेआड्भेल्ले ओःत्तिःल्ले थोऱरुबा काक् पाःन्हाऱ निधाःप्लो ॥
खेल्ले चोगुल्ले कुभारे अक्खे मेबाःत्तुऱ,

“केड्म्बासे, सोरेम्मेऱ! सिःमेन्लाम् पोगेम्मेऱ,
हेक्क्याड् खिस्तरें कुओःत्तिःन् खिनिऱओ ओःत्लो ॥”

15 खेल्ले चोगुल्ले खिनिऱ सिड्सिड् येक्क्येक् लऱरेम्मेऱ, अदड्
हेक्के मेःन्, कर सिक्कुम्साबा हेक्के वयेम्मेऱ ॥

16 काक् सुयेम्मिन् नुःरिक्काड् ओगप् चोगेम्मेऱ, थेआड्भेल्ले
कन् येम्मिन् ताप्फेःम्बा चोःक् ॥

17 खेल्ले चोगुल्ले अदड् मेबोःक्खेम्मिन्नेऱ, कर दाड्बाल्ले
कुनिड्वाऱइन्कुसिड् निःत्तेम्मेऱआड् चोगेम्मेऱ ॥

18 चेल्लेक्सेः थिःल्ले मेमआसिमिन्नेः, थेआड्भेल्ले खेल्ले ताप्फेःम्बा लाम्मो लाम्आलो, कर सेसेमाड्डिल्ले कुधिम् पोःक्खेम्मेःओ ॥

19 खिनिः लुम्मो निड्वाःफु साम्लोहाः, सेवासाम्लोहाः हेक्क्याड् याम्साम्गेन् साम्लोहाःओ पारेम्मेःआड् सिक्कुड्मोलाम्बा कुसागेनुःबा इक्काल्ले दाड्बान् साम्मेत्तेम्मेःओ ॥

20 सदादिड् काक् पाःन्हाःरे लागि आनिः दाड्बा येसु खिस्तेःरे कुमिड्डो पानुदिड् पाः निड्वाःफुमाड्डिन् नोगेन् पिरेम्मेः ॥

खिस्त नु सेसेहुप्लक्

21 आल्ल खिस्तेन्मिड्सो इड्धाःड् पिमनाबाल्ले चोगुल्ले थिक्किन् वेःडल्ले कुयुक्को वयेम्मेःओ ॥

22 मेलिड्गेन् मेःत्ते, दाड्बाल्ले कुयुक्को वाःमनाबा हेक्केए खिनिः येम्बाहाःरे खुनिः युक्को वयेम्मेःओ ॥

23 थेआड्भेल्ले खिस्तेन्सेसेहुप्लक्किल्ले कुधेगेःक् वाःबा कुडिसिःक् येम्बाःइन्नाड् मेःत्तिल्ले कुधेगेःक्लो ॥ आल्ल सेसेहुप्लक्किन् खिस्तेःरे कुधक्लो, हेक्क्याड् खुनेःए खेन् सेसेहुप्लक्किल्लेन् सेन्लप्दाड्बारो ॥

24 आल्ल सेसेहुप्लक्किन् खिस्तेःरे कुयुक्को वाःबा कुडिसिःक्के, मेःत्हाःआड् काक् पाःन्हाःओ येम्बाहाःरे खुनिः युक्को वाःमा पोःडलो ॥

25 इत्थुड्गेन् येम्बाःसे, खिस्तेःरे सेसेहुप्लक्किन् लुड्माः तुक्कुबा कुडिसिःक्के खिनिः मेःत्हाः लुड्माः तुक्तेम्सिम्मेःओ ॥ खुनेःगे सेसेहुप्लक्के लागि कुहिड्मन्निन् पिरुरो ॥

26 खिस्तेःरे सेसेहुप्लक्किन् सेसे चोःक्से च्वाःत्तिल्ले वाहपुआड् कुबाःन्जाक्किल्ले सेसेसाड्साड् चोगुरो ॥

27 खुनेरग इगेसुहबा नु सेरेम् मेःन्नेबा इग्र अक्तड्बा थेआड् मेम्बप्पनाबा, सेसे नु आप्तिक् मेःन्नेबा मिमिदिङ्गेन् सेसेहुप्लक्किन् आबाडेओ तोःम्मा सुक्तुर फाहआड् हेक्के चोगुरो ॥

28 हेक्केलहरिक्के येम्बाहारै आबाडे थक्किन् नुःरिक् मेमेत्तुबा हेक्के खुनिह मेःत्हाह नुःरिक् मेप्पासि पोःङ्, थेआड्भेल्ले आत्तिल्ले कुमेःत्तिन् लुङ्माह तुक्तुर, खेन् आबाडे लुङ्माह तुक्सिङ्लो ॥

29 आत्तिन् मनाःल्लेआड्आबाडे नासिङ्गेन् कुधक्किन् आप्फाल्लेआड् मेजिःत्तुन्, कर ख्रिस्तरे सेसेहुप्लक्किन् कम्ब्राड्मेत्तुबा कुइसिःक्के खेल्ले आबाडे कुधक्किन् कम्ब्राड् मेत्तुरो ॥

30 थेआड्भेल्ले आनिहग खुनेह कुधक्किल्लेन् याम्लक्सिरो ॥

31 साम्योसाप्लाओ अक्खेलहरिक् साप्तेआड् पत्, “खेल्ले चोगुल्ले मनाःल्ले आबाडे कुम्बा नु कुम्मासि लेरुसिआड् कुमेःत्तिन्नु थिक्हुप् पोःङ्लो, हेक्क्याड् खेङ्हाह लत्छा थक् पोःङ्सिह ॥”*

32 कन् पाःन्निङ्ग निङ्वाह केमाबा सिबिह पाःन्लो, कर इङ्गाहग ख्रिस्त नु सेसेहुप्लक्किल्ले कुयाःम्बेओ पाःत्तुङ्बारो ॥

33 कर खिनिहआड् केइःत्तुम्ल पोःङ्लो, खिनिह केरेक् आबाडे लुङ्माह केदुक्कासिबा कुइसिःक्के खिनिह मेःत्हाह लुङ्माह तुक्तेम्मिमेह, हेक्क्याड् मेःत्हारैआड् खिनिह येम्बाहार मिङ्सो इङ्धाःङ् पिरेम्मिमेहओ ॥

6

हिन्जाहबित्छा नु पाः मारे लागि खाहुन्

* 5:31 ०००००००००० ०.२४

1 हिन्जाऱबित्छासे, दाड्बाल्ले कुमना केबोःक्खिबाल्ले चोगुल्ले खिनिऱ पाः माहाऱरे मुरा केम्मेत्तिबा पाःन्निन् खेप्सेम्मेऱ, थेआड्भेल्ले अक्खे चोःकमाल्ले नुःबा पोःड्लो ॥

2 “खिनिऱ पाः नु माहाऱ मिड्सो इड्धाःड् पिरेम्मिमेऱ”-कड्ग माड्हेक्नुबा थिक्सिगेःक्पा इड्जाःड्लो-

3 खुन्धिऱ मिड्सो इड्धाःड् केबिरुम्मिन्ने फाऱग्र “खिनिऱ केनुःरि केदासिरो, हेक्क्याड् कन् इक्सादिड् खाम्बेःकमो कुधाःक् केःम्बा केबोःक्खिऱरो ॥”*

4 पानुदिड् पाःसे, खिनिऱ साःहाऱ खुनिऱ सिक् मेभोःक्खेम् मेबिरेम्मिःमेन्नेऱ, कर दाड्बाल्ले कुहेन्धिम् नु कुनिसाम्मो थाड्बेन् मेन्धिन् केत्तेम्मिमेऱओ ॥

सेवारोबा नु कुन्दाड्बाल्ले लागि खाहुन्

5 सेवारोबासे, केगिःसि केयक्खिर कुदोःप्पा निड्वाऱलाम् ख्रिस्तेऱ कुसेवा केजोगुम्बा हेक्के कन् इक्साबा खिनिऱ दाड्बाहाऱरे केम्मेत्तिबा पाःन्निन् खेप्सेम्मेऱ ॥

6 खिनिऱ दाड्बाहाऱरे खुनिऱ सिराऱ थाड्ल फाऱआड् खेड्हाऱरे मेनिःसुल्लेरक् याःम्बक् मेजोगेम्मिन्नेऱ, कर ख्रिस्तेऱ कुसेवारोबा कुइसिःक् सिक्लुड्मोलाम्मे निड्वाऱफुमाड्डिल्ले कुनिड्वाऱइन्हेक्के याःम्बक् चोगेम्मेऱओ ॥

7 मनाहाऱ सेवा केजोगुम्मिम्बा हेक्के मेःन्, कर दाड्बान् सेवा केजोगुम्बा हेक्के खिनिऱ सिराऱ पधाड्धाड्ल याःम्बक् चोगेम्मेऱओ ॥

8 योःक्पासाड् योःक्पा मेःम्बासाड्, आत्तिल्ले नुःबा याःम्बक् चोगुऱ, खेल्ले चोगुबा हेक्केए दाड्बालाम् हाड्सेम् खोःसुऱ फाऱआड् खिनिऱ कुसिड्केनिःतुम्लो ॥

* 6:3 ००००००००० ००.१२, साम्योथिम्ड्ज्जाःड् ५.१६

9 हेक्क्याड् दाड्बासे, खिनिः सेवारोबाहाःआड् हेक्केलःरिक्के मेत्तेम्मिमेःओ ॥ खेड्हाः यड्मा मेसेरेम्मिसन्नेः, थेआड्भेल्ले खेड्हाःरेन् नु खिनिः दाड्बान् साड्ग्राम्पेदाड्डो वाः, हेक्क्याड् खिनेः एःक्पएःक् मेजोगुन् फाःआड् खिनिः कुसिड्केनिःतुम्लो ॥

याम्साम्गेन् फेजुम् फेयाहाः

10 आल्ल कुनुप्पा पाःन्-दाड्बाल्ले पयम् यम्बा कुमुक्साम्मिल्लेए केधुम्बा पोःक्खेम्मेःओ ॥

11 माफेन्साम्मिल्ले कुजेम्भन्निल्ले कुदक्केड्वाओ थक्का केसुक्किर फाःआड् थक्सुबा चाड्डिल्ले थक्सुबान् काप्तुबा कुड्दिसिःक्निड्वाःफुमाड्डिल्ले आबिबा काक् फेजुम्फेयाःन्काप्सिड्डेम्मेःओ ॥

12 थेआड्भेल्ले आनिः थड्डिड्ग मेन्छाम् याप्पिनु मेःन्, कर हाड्गेजोःक्पाहाः, युक्दाड्बाहाः, कन् खागेमाक्पा खाम्बेःक्कोबा मुक्साम्हाः हेक्क्याड् ताड्साक्पाओबा काक् फेन्साम्हाःनु थक्मनाबा थड्डो ॥

13 खेल्ले चोगुल्ले फेन् येम्हाः ताःल्ले सेःप्सिड्मा केसुक्कासिर फाःआड् थक्सुबा चाड्डिल्ले थक्सुबान् काप्तुबा हेक्के निड्वाःफुमाड्डिल्ले आबिबा काक् पाःन्निल्ले काप्सिड्डेम्मेःओ ॥ हेक्क्याड् खेन् थड् एगाड् खिनिः थधप् मेल्लःए येप्पा केसुक्किररो ॥

14 हेक्केःल्ले यारिप् पोःक्खेम्मेःआड् येबेम्मेः ॥ खिनिः सेक्खाःल्लेन् फःड्ःन् युप्सेम्मेः हेक्क्याड् साम्योनिबा सेःप्चाड्डिन् चाक्खेम्मेः,

15 हेक्क्याड् सनारुड् केदाःप्पा सुनाड्ड् इड्भोःसे केबेःक्पा लाड्सुःप्पिन् चाक्खेम्मेःआड् यारिप् पोःक्खेम्मेःओ ॥

16 खेन्लक् मेःन्, कर नसाःन्निल्लेन् खोःन् याड्डासिम्मेः॥
खेन्लाम् खिनिः माफेन्साम्मिल्ले केआबिबा मिराःक् इसेःड्बा
तोःड्हाःलाम्सेःप्सिड्मा केसुक्तिःरो ॥

17 फेन्जेः ताड्घुःक्किन् कुइसिःक् सेन्लप्पिन् खुःक्खेम्मेः,
हेक्क्याड् सेसेमाड्डिल्ले कुदाभेःन् याड्डासिम्मेः, खेड्ग
निड्वाःफु पाःन्जाक्लो ॥

18 केरेक् येम्हाःओ केरेक् परिक्लेन् तुवा नु
येक्पेलिहाः सेसेमाड्डिल्ले लाम्गेलोःसिबा कुइसिःक् तुवा
चोगेम्मेः॥ कन् पाःन्निन् निड्वाः इःतेम्मेःर सिड्सिड्
येक्येक्काड्डिनिड्वाःफुमाड्डिल्ले सेसे कुमनाहाःरे लागि तुवा
चोःक्मा पिमासि मेलेरेम्मिन्नेःओ ॥

19 इड्गाः सुनाइड् सेःसुड्डिल्ले पाःप्मा
केबोःड्बा पाःन्जाक्किन् खोःसुड्डल हेक्क्याड् मेड्गिए
सुनाइड्डिल्लेन्सिबिः पाःन्हाः इड्भोःमा सुक्तुड्डल फाःआड्
इड्गाः आलागिआड् तुवा आजोगेः आबिरेःओ ॥

20 सुनाइड्डिन् सेःसुड्डबाल्ले चोगुल्ले इड्गाः इघेःड्डो
केधाःबा हाड्डलाइड्डाआरो ॥ हेक्क्याड् इड्गाः चोःक्मा
केबोःड्बा हेक्केए मेड्गि मेन्यड्डे सुनाइड् इड्भोःसुड्डल
फाःआड् तुवा आजोगेः आबिरेःओ ॥

कुनुप्पा सेवा

21 इड्गाः आक्खे लःआ हेक्क्याड् थे चोगुड्डल वाःआ, खेन्
खिनिः कुसिड्डकेनिःतुम्ल फाःआड् आनिः लुड्डमाः आदुक्तुम्बा
नुसाः नु दाड्डाओ नसाःन्साबा सेवारोबा तुखिकसरे केरेक्
पाःन्हाः केजेक्तिःरो ॥

22 आनिगे आक्खेलःरिक् वयिगे केलःबान् केमेत्तिआड् खिनिः
हाड्डाड् केजोगिःर फाःआड्डे खुनेः खिनिःओ पाड्डुड्डबारे ॥

23 फुऱनुसाऱ नु नेऱनुसाऱसे, पानुदिङ् पाः निङ्वाऱफुमाङ्डिन्
 नु दाङ्बा येसु ख्रिस्तरे सनारुङ् केबिरिऱ हेक्कयाङ्
 ख्रिस्तेन्चक्मेऱल्लए नसाःन् चोःक्मा नु खिनिऱ लुम्मो लुङ्माऱ
 तुक्सिङ्मा केसुकपा केबोःक्खिररो ॥

24 आनिऱ दाङ्बा येसु ख्रिस्तेन्मिःमिजि केमेप्पा केरेक्नु
 लुङ्गुम्मिन् सदादिङ् वाऱररो ॥

Yesu khristarε kunisaam
New Testament in Limbu (NP:lif:Limbu)

copyright © 2009 Wycliffe Bible Translators, Inc.

Language: Limbu

Translation by: Wycliffe Bible Translators, Inc.

Limbu (Devanagari)

Annapurna SIL script necessary to read

lim

Nepal

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789937217637

The New Testament

in Limbu

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

1f7c9586-188f-5463-80d8-d2bbafbcfacf